



USAID
OD AMERIČKOG NARODA

Priča iz zaboravljenog kraja: Od nezaposlene žene do poduzetnice

“Fond za podršku u razvoju biznisa marginaliziranim grupama žena”



Naziv projekta: Fond za podršku u razvoju biznisa marginaliziranih grupa žena

Trajanje projekta: 1. 10. 2016. - 28. 10. 2017

Finansiranje: 680.000 KM

Projekt je implementiran u: Zvorniku, Livnu, Kalinoviku, Visokom, Rudom, Tešnju, Tesliću, Konjicu i Prijedoru

Sažetak projekta: USAID-ov Program podrške marginaliziranim grupama u saradnji sa 9 jedinica lokalne samouprave pruža podršku u razvoju biznisa marginaliziranih grupa žena. Podrška je namijenjena malim i srednjim biznisima kojim upravljaju žene sa invaliditetom, majke djece sa invaliditetom, žene iz ruralnih područja, žene žrtve nasilja, mlade nezaposlene žene...

Ustajanje u zoru, odlazak na počinak u kasnim noćnim satima, skrivanje od kiše i vjetra onoga što ti treba osigurati život u narednih nekoliko mjeseci bila je svakodnevica Vesne Budnjar. Vesna je majka dvoje djece, koja živi u Kalinoviku, od Sarajeva udaljenom tek nešto više od 60 km, ali često, kako kaže, ima osjećaj da su ona i njene komšije zaboravljeni od svega. Već nekoliko godina sakuplja šumske plodove, suši ih i prodaje. Skuplja vrganj i šipurak, suši, prodaje i tako zarađuje za sebe i porodicu.

Ranije je ovisila o vremenskim prilikama. Kiša i vjetar kvarili su joj kvalitet proizvoda i usporavali je u radu. Plodove je sušila na improviziranim sušilima, na livadi i suncu. Zarada nije bila zavidna jer nije nudila veliki kvalitet. Kada bi počela padati kiša, počinjala je i Vesnina borba da spasi posao. Da plodove unese u zatvoreno, da joj prethodni rad ne bi bio uzaludan.

Onda se ukazala odlična prilika. USAID-ov Fond za podršku u razvoju biznisa marginaliziranih grupa žena i Opština Kalinovic željeli su pomoći ženama koje žive na margini društva, a Vesna je iskoristila mogućnost i svoje potencijale i aplicirala za dodjelu sredstava.

USAID i Opština Kalinovic dodijelili su joj sredstva, od kojih je kupila sušnicu i lansirala se među poduzetnice. Sušnica je značila bolje uslove za rad, veću proizvodnju, bolju zaradu i lagodniji život za nju i njenu porodicu.

Vesna sada ne preživljava, već živi. Sada je mnogo drugačije. Ponosna je vlasnica mnogo ozbiljnijeg biznisa. Ona je poduzetnica.

„I sada ustajem rano i radim cijeli dan, ali se ne žalim jer znam da ću od rada imati koristi. Znam da će moji proizvodi biti otkupljeni i da će se svi naponi isplatiti.“ – priča Vesna dok ponosno gleda u sina i kćerku kojima, zahvaljujući svom radu, može platiti školovanje i pomoći da se osamostale.

Vesna je jedna od stotinu žena kojoj su USAID-ov Program podrške marginaliziranim grupama i devet lokalnih uprava omogućili da pokrenu i razvijaju vlastiti biznis. Biznis koji im prvenstveno osigurava egzistenciju, samostalnost, ali i vraća vjeru u bolje sutra.